

եւ առնուլ գրամ 'ի փոխատուէ , և կամ թողուլ լքանել զվանօրայս եւ ցրուիլ անտի , եթէ թողուցուն պարտա-տեարք եւ իշխանք երկրին . լաւ համարէին զմահ քան զայնպիսի դառնագոյն կեանս . զի եթէ ոչ լինի այցելու-թիւն Աթոռոյն , 'ի զուր եւ նանիր է ընտրութիւն Պատ-րիարքի . զի ոչ սք գտանի այնպէս անմտագոյն , դնել զայնպիսի անուր դժուարակիր 'ի պարանոց իւր . նախ այ-ցելու թեամբ թեթեւացուցանել զպարտան , և ապա ընտրել զոք Պատրիարք 'ի միաբանաց Աթոռոյն (1800 . 'ի 22 Յու-լիսի) :

Եւ յեւս տարւոյն մեկնեցաւ Վէզիրն 'ի կողմանց Յոս-ովի եւ չոքաւ 'ի Կոստանդինուպօլիս : Բնակիչք երկրին տաղտկացեալ էին 'ի բռնութեանց և 'ի զզուանաց Բդեշխի իւրեանց Ադա-Մէրա՛ կոչեցելոյ , նմին իրի գրեցին գիր ամբաստանութեան զնմանէ առ ձէզար Փաշա , որ նստէր յԱքքէ . եւ զի նա ինքն ձէզար ատելութեամբ էր ընդ Բդեշխին , և սպասէր դիպող ամթի բերել զնա 'ի ձեռս և պատուհասել , որոյ վասն առաքեաց զօրս և պաշարեաց զՅոսովէ քաղաք , յորում որջացեալ էր այրն : Եւ 'ի ժա-մանակի աստ պաշարման քաղաքին , անհնարինս սրտմը-տեալ նորա՝ մատնեաց 'ի հարուածս գանից զտեսուչ վար-դապեան Հայոց և զմիաբանս նորա , էառ 'ի նմանէ 300 քսակս դրամոց՝ թող զառաջին առեալն : Եւ 'ի սմին ժա-մանակի անկեալ էր սով սաստիկ 'ի քաղաքն , 'ի սաստ-կանալ սովոյն եւ բռնութեան՝ խոյս ետ անտի տեսուչն միաբանօք՝ և մտեալ 'ի նաւ փախեան 'ի վերայ ծովու . զայս լուեալ պարտատեարց՝ ետուն զպարտամուրհակս 'ի ձեռս զինուորաց , եւ նոցա եկեալ յԵրուսաղէմ պահան-ջէին 'ի միաբանաց զգրամս տոկոսեօք , և այսպիսի դառն վշտաց և նեղութեանց ժամանակին՝ վանքն Ս . Յակոբայ սկսաւ անկանիլ ընդ պարտեօք :

Իսկ 'ի Կոստանդինուպօլիս Յակոբ Եպիսկոպոս փոխա-նորդն՝ խորհուրդ 'ի մէջ առեալ ընդ գլխաւորս ազգին , ետ ընտրել նոցա Պատրիարք Աթոռոյն զգարպասընկալ Թէոդորոս Եպիսկոպոս Վանեցի , բայց Թէոդորոս ինքնին հրաժարեցաւ 'ի ծանր պաշտօնէ անտի , հայեցեալ 'ի չը-քաւորութիւն Աթոռոյն և 'ի դառնութիւն ժամանակին ,